



DEO OPTIMO MAX.
UNI ET TRINO,
VIRGINI DEI - PARÆ, ET S. LUCÆ
Orthodoxorum Medicorum Patrono.

QUÆSTIO MEDICA,

CARDINALITIIS DISPUTATIONIBUS
manè discutienda in Scholis Medicorum, die Martis vigesima-secundâ
mensis Martii, anno Domini M. DCC. LVII.

M. ACHILLE - FRANCISCO FONTAINE,
utriusque Pharmacix Professore, Doctore Medico, Præsidente.

An quæ viris, eadem mulieribus conveniunt corporis & animi exercitia?
I.



MULIER divinitatis opus, humanitatis honos, iisdem è principiis conflata quibus & mas, eodem quoque partu edita quondam fuit æquè particeps ac ille corporis affectionum, nec animi dotibus ab eo degener. Inde vir feminâ non potior alter ab alterâ; quid in corde, quid in cerebro discrepat? In utroque nonne lien, hepar, pulmo, renes planè consimiles, frontis eadem dignitas, ossium cartilaginum par numerus? Vasorum propaggines an aliis virile corpus, aliis muliebres succis alluunt? Hujus & illius animata compages an diversis movetur musculis? Numquid & ambobus & necessaria victûs & medicinæ communitas, æquale vi-
tæ stadium, mutuos ad amplexus æmula propensio? Nec minùs
A

2
utile quàm dulce connubium pulchrâ dum sobole facit utrumque parentem: hæc grata nuptiarum messis est, quam partitur cum conjugè conjux. Sic patrum in natos divisum est cum matribus imperium. Inter se tam bene si conveniunt utriusque sexûs homines, an illa quæ viro concedis exercitia corporis & animi, mulieri denegabis?

I I.

MOTUS expers nulla corporis exercitatio. Hæc, ut ille, viris est familiaris ac mulieribus, natis coæva veluti nascituris. Nonne fœtus, sive mas sive femina, simile ponit exercitationis tirocinium, dum conclusus in uteri latebris æquo pulsatur pede viscera parentis, nec impari calcitratu suum rumpit carcerem lucis usurâ fruiturus? An non & in cunis sua peculiaris est infantulis exercitatio quæ cadit in utrumque sexum? Quin & puellulæ, quæ factæ sunt ætatulâ paulo provectiores, æqualibus cum pueris mille modis exercentur, choreis indulgent, saltationi, pilæ volatili, concentibus, ambulationi. Annis post modum accedentibus, quot teneræ virgines, quot nuptæ mulieres, dum sui juris sunt, equitant sessione masculâ, venantur, natant, piscantur; sunt quæ sub dio versantur inter armatos sexum mentitæ, quæ viris ipsis martios affundunt animos, quæ cum viris terram colunt, arant, fodiunt, quæ ferunt arbores, metunt segetes, maritant vitibus ulmos. Gemunt aliæ sarcinarum sub pondere, sudant, algent, aliæ pernoctant humi, totâ die pedites eunt redeuntque vias quàm longissimas. Tot exercitationum labores ferunt & utero gerentes, mox daturæ progeniem valentissimam. Desinant igitur urbanæ mulieres exercitia præ gravitate recusare, fugiant mollioris & umbratilis vitæ delicias fœtui simul & fœtu mala multa parituras. Nec aliunde fortassis est quod prægnantes olim matronæ suis stipatæ conjugibus dicata Junoni Lucinæ templa pedibus adire jubebantur. Numquid ut religionis sic exercitationis ergò, sancita lex ista fuerat?

II I.

QUOD ars Medica mulieribus imperat, docet idem natura belluas. Earum femellæ gravidæ licet & ad pariendum vicinæ, nonne suos hic & illic errantes comitantur mares, Oves gradiendo, Cervæ pascendo deponunt fœtus absque molestiâ? Sua pisces agitanda profluenti tradunt ova; sua quoque versant identidem vel incubantes oviparæ. Quid quod aves cum maribus plurimæ summis nidificant in arboribus, ut in nido, velut in pensili lecto, pulsata flatibus ova venti motum se-

quantur; adeo verum est animal omne motu generari, motu conservari. Hinc in hominum genere quisquis ad exercitationes erit impiger, erit & ille sanitatis integer morbiq; purus. Et quidem, labore si dissipantur humores qui superfluent in corpore, humorum redundantia si mulierem magis quam virum putas obnoxiam, feminis ideò laboriosiora quam maribus, aut aequalia saltem praescribes exercitia. Eâ sanè de causâ quot infirmos homines utriusque sexûs invenias & in tenui panno, & in purpurâ decumbentes, qui feliciter uno eodemque tempore convalescunt, dum languida similibus committunt exercitationibus corpora? Quoties viris ac mulieribus in ultimas quondam terras simul exportatis utile fuit exilium secundæ valetudinis recuperatione, quam siccatis antè à bene multis pharmacorum calicibus assequi non potuerant.

I V.

U T corpori sic animo sua sunt exercitia. Agitationes animi quis non sentit in exercitationibus ingenii, quis variis in affectibus, quis in cogitationibus non apprehendit? Haec sunt exercitationes animi, haec curricula mentis aequè nota viris ac mulieribus. Reverà, si sexu carent animæ, si nec origine, nec agendi ratione dispares, cur in mare, cur in feminâ diversis illæ moribus cierentur? Vis illa mirabilis quâ diriguntur in utero molis humanæ primordia, cur in utroque sexu similes ad informandos fœtus ingenii non aptaret cerebri loca quæ frequentat animus? An alius in viro, alius in muliere typus hominis? Uterque nonne conditus ad Creatoris imaginem, nonne rationis compos & intelligentiæ? Proinde politicarum rerum sicut & artium liberalium cognitio feminis non minor quam viris, quasi patrimonii loco, relicta est. Eas si plerumque lex removet à publicis & civilibus officiis, an quia legis authores sunt viri, qui regiminis & imperii sui socias mulieres non ferunt, non patiuntur haud ignari; quid ubique femina possit? Nimirum cum semel est admissa mulier in optimatum conciliis, omnium sæpè voluntates & studia rapit ad se necessitate quâdam amabiliter imperiosa, persuadet si proponit, impetrat si petit. Demùm quid hominum mentes acuit & exercet solertiùs, quid edaces eorum curas fallit ingeniosius, quam cordatæ mulieris blanda colloecutio? Si quos pietate graves, si austerè ac religiosè degentes viros hodiè suspicimus, veneramur, quam frequens adhuc est chorus virginum in eodem sanctitatis curriculo unâ deusudantium, quas laudare facilius est quam imitari. An non &

ſuis gloriatur hæc ætas mulieribus quas ut viros expolivit urbanitas, ingenii perſpicacitas erexit, prudentiæ maturitas informavit? Nec defunt qui picturam profitentur, poeſim callent, hiftoriam tractant, Matheſim, Philoſophiam. Extant & feminae principes quæ mari, terrâ, domi, militiæ, populos ſapienti regunt imperio; quæ gentium, quæ Regum lites ac jurgia componunt. Equis poſthæc non intelligit mulieres ſapienter cogitare, cogitata utiliſter exequi? Quis utrique ſexui datos à Deo ſimiles non agnoſcit igniculos, quibus vir & mulier ad ſumma quæque certatim evehuntur, quoties ambobus eadem licuit exercere ſtudia diſciplinæ?

V.

SI feminei corporis teneritatem objicis, ſi ſuſtinendis viro-
rum exercitationibus parem negas, complures diverſi ſexus homines paululùm circumſpice, delicatulos totidem numerabis viros quot & feminas; utroſque tamen obſervabis ad exercitia paſſibus æquis & animoſè concurrere, ſi teneris ab annis ignaviâ fuſerint iſdem paulatim aſſuefacti laboribus. Sic molle puellarum corpus ordinata firmat exercitatio. Imò, robuſtum, licèt natura virum ſinxerit, iſ tamen ſuas brevi ſentit vires languere, niſi frequenter exerceatur. An quoniam velut exercitatione citiùs amandantur è corpore viles alimentorum reliquiæ, ſimiliter inertiâ retinentur ſanguinis & ſpirituum commeatui moram allaturæ, unde corporis & animi ſtupor otioſorum hominum commune ſtipendium; cur non paucas affligat feminas hæc invaletudo, haud aliam ſuſpicari cauſam licet niſi deſidioſum vitæ genus, ad quod illæ ſæpiùs à viris ſe damnatas eſſe conqueruntur, an jure vel injuriâ pronunciet qui noverit utriuſque ſexus æqualitatem? Non itaque nata mulier ut in umbrâ parietum domeſtica tantùm curet negotia, non facta conjux ut in ſolis hæreat mariti complexibus, ſed ut etiam cum viro cætera corporis & animi dividat exercitia, quibus illum non imparem docet ratio, confirmat experientia.

Ergo quæ viris, eadem mulieribus conveniunt corporis & animi exercitia.

Proponebat Pariſiis JOANNES DESCEMET, Pariſinus, Saluberrimæ Facultatis Medicinæ Pariſienſis Baccalaureus, A. R. S. H. 1757.

A SEXTA AD MERIDIEM.

Typis Viduæ QUEL LAU, Univerſitatis & Facultatis Med. Typographi, 1757.